

FARUK HODŽIĆ

Još jednom pozdravljam sve prisutne. Danas ću podnijeti inicijativu prema Ministarstvu obrazovanja, nauke, kulture i sporta, a ona će biti logičan slijed mojih zastupničkih pitanja vezano za broj studenata medicine koji dolaze sa područja ZDK i studiraju na bilo kojem medicinskom fakultetu u BIH. Inicijativa ide otprilike ovako – da se svim studentima medicinskih fakulteta koji dolaze sa područja ZDK, odnosno studiraju na bilo kojem medicinskom fakultetu u BIH dodijeli stipendija. Obrazloženje moje inicijative bi bilo da se na taj način motivišu naši budući ljekari i na neki način obavežu da ostanu raditi u našim zdravstvenim ustanovama, sve zbog brige trenda odlaženja naših kadrova van BIH. Mislim da na taj način možemo, ovaj, dati ako ništa pozitivnu poruku tim mladim ljekarima da mi mislimo na njih i da planiramo da ostanu raditi u svojoj državi u BIH, a ne da ono teško stečeno znanje medicinskom fakultetu gledaju što prije odnijeti u neke zemlje EU. Zahvaljujem.